



**O‘ZBEKISTON RESPUBLIKASI**  
**KAMBAG‘ALLIKNI QISQARTIRISH VA BANDLIK VAZIRLIGI**  
**XORAZM VILOYAT KAMBAG‘ALLIKNI QISQARTIRISH VA**  
**BANDLIK BOSH BOSHQARMASI**  
**BUYRUQ**

14 oktabr 2024 yil.

96-son

Urganch shahar

**Xorazm viloyati Kambag'allikni  
qisqartirish va bandlik bosh boshqarmasi  
huzurida jamoatchilik kengashini tashkil  
etish to'g'risida**

O'zbekiston Respublikasi Prezidentining "Davlat organlari huzurida jamoatchilik kengashlari faoliyatini tashkil etish choratadbirlari to'g'risida" 2018-yil 4-iyuldagi PQ-3837-sonli qarori va O'zbekiston Respublikasi Kambag'allikni qisqartirish va bandlik vazirligining 2024-yil 25 apreldagi 61-son buyrug'ini ijrosini ta'minlash maqsadida,

**BUYURAMAN:**

1. O'zbekiston Respublikasi Prezidentining "Davlat organlari huzurida jamoatchilik kengashlari faoliyatini tashkil etish choratadbirlari to'g'risida" 2018-yil 4-iyuldagi PQ-3837-sonli qarori va O'zbekiston Respublikasi Kambag'allikni qisqartirish va bandlik vazirligining 2024-yil 25 apreldagi 61-son buyrug'i ma'lumot va ijro uchun qabul qilinsin.

2. Xorazm viloyati Kambag'allikni qisqartirish va bandlik bosh boshqarma (keyingi o'rinlarda - boshqarma) hamda keng jamoatchilik o'rtasida samarali muloqotni yo'lga qo'yish, boshqarma faoliyati ustidan jamoatchilik nazoratini amalga oshirishning mustahkam mexanizmlarini rivojlantirish, boshqarma faoliyatining ochiqligi va shaffofligini, fuqarolik institutlari bilan samarali hamkorligini ta'minlash maqsadida, boshqarma huzuridagi jamoatchilik kengashi (keyingi o'rinlarda - jamoatchilik kengashi) tarkibi 1-ilovaga muvofiq tasdiqlansin.

3. Jamoatchilik kengashi o'z ishini jamoatchilik asosida olib boradigan, doimiy faoliyat yurituvchi maslahat kengashi organi hisoblanishi belgilansin.

4. Jamoatchilik kengashi to'g'risidagi Nizom 2ilovaga muvofiq tasdiqlansin.

5. Quyidagilar Jamoatchilik kengashining asosiy vazifalari etib belgilansin:

Qabul qilinayotgan normativ huquqiy hujjatlarda, qarorlarda, shuningdek, davlat, tarmoq va hududiy rivojlantirish dasturlarida jamoatchilik manfaatlari va jamoatchilik fikri hisobga olinishi, fuqarolarning, yuridik shaxslarning

kambag'allikni qisqartirish va bandlik yo'nalishidagi qonun hujjatlari talablari ijrosini ta'minlash, boshqarma zimmasiga yuklatilgan davlat xizmatlarini ko'rsatish, ijtimoiy sheriklik doirasida amalga oshiriladigan bitimlar, shartnomalar, loyihalar va dasturlarni ro'yobga chiqarish bo'yicha boshqarma va uning mansabdor shaxslarining faoliyati ustidan jamoatchilik nazoratini amalga oshirish;

birgalikda muloqot qilish, boshqarmaning nodavlat notijorat tashkilotlari, ommaviy axborot vositalari va fuqarolik jamiyatining boshqa tuzilmalari bilan samarali hamkorligini ta'minlash uchun ko'maklashish;

fuqarolarning huquqlari, erkinliklari va qonuniy manfaatlariga dahl qiluvchi eng muhim masalalar yuzasidan boshqarmaning faoliyati haqidagi jamoatchilik fikrini tizimli o'rganish va tahlil qilish, sotsiologik so'rovlar o'tkazish, jumladan ularni axborot kommunikatsiya texnologiyalaridan foydalangan holda tashkil etish;

boshqarma faoliyatida korrupsiyaga qarshi kurashish sohasidagi davlat dasturlari va boshqa dasturlarni ishlab chiqish hamda amalga oshirishda ishtirok etish, korrupsiyaga qarshi kurashish bo'yicha olib borilgan ishlar ustidan kuzatuvlar o'tkazish, shuningdek, ularning natijalari bo'yicha takliflar tayyorlash;

boshqarma faoliyatining ochiqligini ta'minlash bo'yicha amalga oshirilayotgan tadbirlarni kuzatish, uning faoliyati to'g'risida batafsil axborot olish imkoniyatlarini tahlil qilish, ularni yanada kengaytirish bo'yicha takliflar ishlab chiqish;

boshqarma faoliyatini isloh qilishda fuqarolar ishtirok etishi uchun yaratilgan shartsharoitlarni o'rganish va ularni takomillashtirish bo'yicha takliflar ishlab chiqish;

boshqarma faoliyati bo'yicha fuqarolar o'rtasida o'tkaziladigan tushuntirish ishlari va ma'naviy ma'rifiy tadbirlarda ishtirok etish, ularning samaradorligini oshirish yuzasidan takliflar ishlab chiqish;

boshqarma xodimlarining uyjoy, ijtimoiy maishiy, xizmat sharoitlarini, ularga malakali tibbiy yordam ko'rsatish sharoitlarini, shuningdek, ishdan bo'shatilgan yoki zaxiraga olingan xodimlarni ijtimoiy va kasbiy moslashtirish bo'yicha muammolarini tahlil qilish hamda uning yakunlari bo'yicha mazkur sharoitlarni yaxshilash yuzasidan takliflar kiritish.

6. Jamoatchilik kengashiga quyidagi huquqlar berilsin:

boshqarma tomonidan tashkil etiladigan ochiq Hay'at majlislari va boshqa ommaviy tadbirlar to'g'risida axborotni oldindan olish va mazkur tadbirlarda ishtirok etish;

boshqarma va tasarrufidagi tashkilotlarining binolari (xonalari) hamda boshqa ob'ektlarini boshqarma bilan kelishilgan holda borib ko'rish;

boshqarma va tasarrufidagi tashkilotlar rahbarlariga jamoatchilik kengashi vakolatiga kiradigan masalalar yuzasidan takliflar kiritish;

boshqarma faoliyati samaradorligini oshirish bo'yicha takliflar va tavsiyalarni ishlab chiqish hamda amalga oshirish uchun zarur bo'lgan vazirlikning axborotlari, statistika va boshqa ochiq ma'lumotlarni belgilangan tartibda olish;

boshqarmaning qonun ijodkorligi faoliyatida, davlat organi sifatida ishlab chiqilgan normativ huquqiy hujjatlar loyihalarining jamoatchilik va ekspertlar muhokamasini ta'minlashda ishtirok etish;

jismoniy va yuridik shaxslar murojaatlariga boshqarma tomonidan berilgan javoblarning sifatini tanlab olgan holda tahlil qilish;

boshqarma xodimlarining roziligi bilan ularning uy-joy, ijtimoiy maishiy va xizmat shart sharoitlari bilan tanishish;

jamoatchilik kengashi majlislarida muhokama qilinadigan masalalarni yoritish bo'yicha ommaviy axborot vositalari bilan hamkorlik qilish;

yuklatilgan vazifalarni bajarish uchun konferensiyalar, forumlar, seminarlar, davra suhbatlari va boshqa tadbirlarni tashkil etish.

7. Boshqarmada nodavlat-notijorat tashkilotlari bilan hamkorlik qilish bo'yicha mas'ul etib Axborot xizmati bo'yicha bosh mutaxassis Bosh boshqarma boshlig'ining matbuot kotibi Sh.Saparboyev belgilansin.

8. Ijro intizomi va murojaatlar bilan ishlash sho'basi (R.Egamberdiyev) mazkur buyruqni boshqarma tasarrufidagi barcha tashkilot va muassasalarga ma'lumot va ijro uchun yetkazish choralarini ko'rsin.

9. Mazkur buyruq ijrosi ustidan nazoratni o'z zimmamda qoldiraman.

**Boshqarma boshlig'i**

**Z.Ollakuliyev**

